

294



*Division of Manuscripts.*

---

---



軍府饒歌十六章 謹序奉呈

制府大人 鈞誨

今

聖天子御極之十有八載龕夷四極  
簫勺庠慝以西州草竊未靖特  
發牙璋

簡厥元帥于時

制府尚書公節鎮雍梁奉

命董師不震不驚廓清妖氛偉矣哉  
夫功烈存乎詞德音昭乎聲鴻  
略式宣詠歌斯述况乃世建勲  
闕夙領巖疆智勇出於性生名



業徧於寰宇如我

公者乎

公發軔蚤歲遙跡郎署具杜軫翔  
廊之度秉田郎題柱之聲

朝廷重其姓名端揆欽其才器薦入

樞禁閱綜機宜前大學士福郡

王視師臺灣及廓爾喀並襄事

戎幕贊畫定功凌煙之業始基

翠珥之冠庸錫晉內閣侍讀學

士仍總師言奉揚麻命削稿正

文原之失論事兼陸贄之長用

使廡頗名字常列於



御屏蕭鄴勲庸寔著於彝鼎值三省

之事以副都統京營總兵官出

為領隊大臣督師湖北功成

恩賞雲騎尉世職

命提督楚省軍務潞公在外舉朝想

望風采耿弇留東

九重思見顏色尋

詔以一品頂戴還補京營總兵官有

頃

命提督直隸軍務領雄關之鎖鑰啓

遐壤之屏翰遂右遷大中丞持

節安省屬宵小竊發猝定謨算



遷討平之

聖心眷契倍篤

命移撫山左由是封圻屢膺節鉞頻  
從所至皆沉機應務亮績匡時  
以經國為首謀以撫軍為餘事  
嘗總制陝甘調撫中州歷烏魯  
木齊都統仲山甫于藩于宣古  
訓是式召康公勿翦勿伐萬民  
所望茲陽春再轉時雨特沛盖  
其素已竊惟

公之莅臺洋也以士行部分之當  
著王綮從戎之譽跨澎湖踰鹿



港洪濤駭浪沙塵恬如運籌七  
星之臺掛弓半月之嶺英謨所  
發卓卓可紀已如此其赴西域  
也雪山冰膏蠶叢鳥道無不踏  
壁直上因翅橫飛已勒布之荒  
冀捫厯井參大西天之寒廓驅  
馳龍象傳檄衛藏克撻濟隴摩  
崖勒銘震鐔荒外又如此其征  
楚北也傳穀城而上下遠襄江  
而滌泗耳聽羽書口授方略衝  
瘴掃穴截流擒渠蓋赤壁轉塵  
公覆為之墜水淮西出險中立



賴有神扶忠奮之誠感動天地  
更如此其綏皖江也聚小醜於  
蒙宿度勝勢於林原疾雷破柱  
在發聲之先洪鑪燎毛非鼓橐  
所及故能七日而擒楊太半月  
而廟公孫審勢鍊志入神出天  
復如此凡此皆竹帛所顯垂旂  
常所炳列聆朱鷺之曲具彰舊  
勲譜黃神之章宜次新績是役  
也經營二陝保安諸省綜計兩  
月之候雲霧飛駛星營環轉往  
迴數千里殲賊數萬人武誼紛



紘臚舉匪易謹掾其始末分事  
編題擬撰軍府鏡歌一十六章  
每題綴以小序誠知固陋不足  
紀述斯盛亦冀於  
公之懋績殊庸掄頌萬一以稍抒  
欽仰之懷云爾

臯蘭移節

嘉慶十八年十二月陝省岐  
山縣三才峽有匪徒滋事先  
經撫軍奏報前往查辦旋降  
諭旨特命公總統師  
干公奉命後還度機  
宜擘畫周至一面挑備河州  
兵五百名派能事官弁往往  
該處確探情形嗣聞大股賊  
衆幾及三千人並小玉潤紫  
關峪古子溝處賊匪分有數



股公即自省啓行無程馳  
往會合撫軍籌辦一切電旌  
所指么膺  
膽落矣

么膺螳臂敢興戎仗鉞全資褒鄂忠  
萬里星馳金玉節九邊軍肅虎貔風  
橐韃大將迎裒相壁壘先聲壯令公  
剋日塵氛齊一掃三才峽口佛灘東

### 峪口進師

首逆萬五為三才峽倡亂之  
渠魁率其股匪北竄公專  
派得力將官授以方略令帶  
兵由斜峪關一帶截回痛勒  
該匪復向太白山老林白雲  
峽奔竄官兵畏糧跟追另分  
一路取道車峪口進山夾擊  
斃賊於寬溝口生擒萬五又  
逆首陳四尹朝貴王大旂等  
股匪由金牛坪肆竄公派



發官兵由子午峪進發向西  
截勦連獲大勝擒尹朝貴於  
吳家堡斬王大旂於黃草坪  
復由金竹園追至手扳崖生  
擒陳四等  
殲其衆

將星冉冉正登壇爭唱軍中有一韓  
集矢寬溝金鼓震奪旗斜峪雪霜寒  
連營匝匝革車陣大樹扶疎棗木欄

執訊軍威真赫翼虎臣從古說飛翰

### 虎旅雲屯

公意以所報滋事各處逼近  
老林且賊數較衆恐東逸西  
竄時日久稽必須厚集兵力  
遂檄調陝安河州寧夏各標  
營官兵分派鎮將統率並親  
帶靖遠營兵前往維時  
聖心慮及兵單適降吉林  
旨派令豫省凱撤之吉林索



倫勁旅固原河州鎮標各官  
兵來陝協勦仰見廟謨  
將略師雲集鱗萃聲威壯盛  
卒銳迅奏膚功

軍門飛檄集羆熊寧夏河州士盡雄  
八陣雲屯金鎖甲萬蹄波蹴玉花驄  
宵衣上釋籌兵慮朝食同懷滅賊哀

七萃桓桓東省旅凱歌迴憶滑城中

豹韜電發

公自統戎行即派撥官兵於  
沙壩地方擒獲萬五股內之  
偽軍師周在庭偽先鋒周之  
順藏斃偽先鋒李元興何吉  
等又令楊提軍馳往隴州截  
勦麻大旗劉二股匪又派鎮  
將勦滅陳四等股匪嗣又有  
沔縣焚燒關廟之吳抓抓等



一股由剪子河竄至塘口子  
地方公所派將領設伏痛  
勦斬吳抓拏悉戮其黨此外  
各股首夥實繁有徒我軍四  
路攻勦無不霆擊馳所向  
克捷皆由公之成算預定  
有以決勝  
千里也

擒渠沙壩懾威靈成竹胃羅汚隴形  
羽扇從容籌筆地龍韜蘊釀握奇經

點鷺夜渡爭先算闕虎朝鋪捷震霆  
上策由來憑馭將一時韓岳奉儀型

### 寧陝聯營

寧陝為陝中重地公籌度  
形勢扼要堵截壘壁元峙鼓  
角森嚴偵知尤九陳四股匪  
由金雞河投竄路通寧陝江  
口公即派鎮將帶領勁兵  
前往先將石泉一帶完善之



區保守嚴密旋探知賊匪竄  
近木瓜園官兵鼓勇接仗殲  
擒著名賊目無數餘匪束竄  
自此不復敢擾及疆圉我軍  
得以窮其所向矣

刁斗森嚴細柳營師臨重地屹堅城  
金雞河畔逋逃絕銅虎符中號令行  
一障乘邊磐石固三軍得勢上流爭

木瓜園裏烽煙息勒馬斜陽看晚耕

### 黑河奏捷

賊渠吳抓抓股內分出一股  
九百餘人係匪黨張占鰲為  
首由黑河老林奔竄已入徽  
縣交界公所派官兵緊蹙  
賊蹤分兩路截勦追至徐家  
溝地方賊匪佔據山梁搖旗  
下整我軍奮勇仰攻擒上山  
梁斬偽帥張占鰲殲賊徒



數百餘匪窮竄我軍復分兩路追至石家嘴地方四面兜圍殲擒七百餘名全數勒淨此股賊匪欲由甘境入川經官兵一鼓撲滅絕其蔓延之勢公之籌畫全局保護數省在此舉矣

山梁截案上摩穹百戰神威在仰攻  
將略預防滋蔓後賊渠先斃負嵎中

鐵鑪川鼓雷霆齖石莆兵嚴草木風

軍算信能符

廟算

至尊宵旰正籌戎

漢江洗甲

公督辦各股賊匪先機料及該匪等被勒窮蹙或致肆竄



川邊即飛催成都將軍督兵  
馳赴沔縣杜其入川之路嗣  
果有青藍紅綠四號匪徒先  
後竄渡漢江官兵以前期有  
備節次掩捕俱出賊不意生  
擒青號首逆楊崇藍號首逆  
蘇容盧倖劉成舉紅號首逆  
羅懷寺斬綠號首逆苗小一  
餘匪悉平由公識微鑒遠  
布置精密川陝犄角相聯故  
旬日之內肅清漢江南北

漢沔難容一葦杭神機料敵已先防  
蜀中門戶憑衣帶山外軍鋒屬劍鎧  
幟奪紅藍紛雨墮羽飛赤白盡雲光  
洗兵雨過川原潤依舊  
昇平歲月長

蜀棧迴戈



汚縣賊匪自吳孤孤珍滅後  
尚剩龔貴一股 公所派將  
弁等擊敗之於三元壩該匪  
復分股潛竄隴州 公親統  
勁旅馳往督勦探知該匪畏  
懼糾合賊首向小一欲由階  
州入川即飭令鎮將等一面  
慎密防堵勿使逸入甘境一  
面乘夜追攻連蹙之於太寧  
溝腦及利橋賊獲千數百人  
擒龔貴斬向小一由是  
棧西一帶氛霧盡廓

神戈先掃隴州氛更向寧溝藏大勲  
層穴細窮孤貉跡利橋突起鸛鵝軍  
馬蹄夜踏千山月底角晴開萬井雲  
銅柱銘功歡父老相如諭蜀有鴻文

峙糧飽士

軍需支銷事宜前於嘉慶八  
年定有章程 公此次籌辦



征防官兵鹽糧分例等項悉  
照成規以杜浮冒而於核實  
之中深寓體恤之意飭令糧  
臺各負源源運供毫無支訕  
並以漢中陝安兩鎮官兵隨  
同勦賊即與征兵無異奏准  
於離營三百里之外即一體  
支給鹽糧又馬乾一項奏請  
加倍給發故得士  
馬飽騰一鼓集事

軍儲料簡有成謨戎幄星馳調發符

指下山河歸聚米天邊風雨挾飛芻

丁糧核實防中飽甲帳騰歡以大酺

一例漢安兵士給左餐右粥共歌呼

給賑蘇民

滋事各匪本皆木廂傭工之  
人因傳工乏食糾結搶糧所  
至焚燒村莊蹂躪未稼飢民  
無以為生易於從賊則撫卹



灾黎誠軍營之急務也  
仁心為質除秀安良於羽書  
旁午之餘時時軫念民瘼發  
廩給賑捐貸並施既拯水火  
之危復起溝壑之瘠雖衰相  
平淮俾蔡人左體右粥無以  
過是焉

膏雨先春潤井田窮黎都賴義漿全  
家披鱗冊蠲租調澤息鴻罄貸俸錢

轉粟聲中無餒色生春手上有豐年  
鄭公廬舍文公社德政應須史筆傳

### 四路淨塵

公既替率將領等職除各股  
逆匪查明尚有未獲賊首仍  
分飭鎮將並地方文武各官  
嚴密搜拏務獲嗣官兵於辛  
靈峪捕獲逆首潭貴及餘犯  
戴大旂彭姓等六名職斃汪



大祈一名復經文負及社勇  
寨民等陸續擊獲逆首傅老  
八龍正光並吳抓抓之義子  
喜兒陳四股內之偽先鋒余  
九又盤獲匪徒黨友向小二  
段老八黃五等共八名職斃  
賊匪劉濫子一名  
遂令餘孽淨盡

一洗幸靈大峪空翦除餘孽榮心攻  
射工繼隱含沙弩飛騎先搜伏莽戎

淵藪窮鱗真釜底榛林敗籜枉風中  
從今四壁狼烽靖夷夏威名震潞公

### 千林掃穴

南山老林窺易潛匿零匪  
公於勦辦完竣後復分派官  
兵入林搜捕欽奉恩諭  
以該匪等困獸猶鬪當慎重  
保全公仰體聖上軫  
念戎行至意當即傳知將弁



兵丁無不同深感奮勇氣倍  
增徧歷深山叢莽之中櫛比  
排搜始猶拏獲數十名以後  
逐日搜獲四五十名至十餘名  
不等寨民以其從賊日久不  
敢保領悉就駢誅據各鎮將  
稟稱徧查老林內實在毫  
無遺孽公始旋節漢中

老林深密萬峰隈  
蟄戶驚聞破壁雷  
大地豈能容鉗走

天兵誰識是飛來  
鑿山不數蠶叢險  
探穴都懷燕領才  
困鬪一時勞

聖屢感

恩効命敢遲徊

郵章送喜

自上年十二月中旬軍興以來  
公仰體宵旰勤勞



趕緊勦辦捷音踵至殆無虛  
日本年嘉慶十九年正月十  
四日奏到沙壩之捷不數日  
復奏到寬溝鐵鑑川及木衣  
園木竹壩之捷二月初一初  
二等日奏到吳家堡黃州坪  
三元壩碾子溝之捷不數日  
復奏到手扳崖賀家灣及月  
亮坪之捷十一日奏到剪子  
河塘口子之捷不數日復奏  
太寧溝腦利橋徐家溝石家  
觜之捷迨二十四日奏到擒

凱音重疊報

獲餘匪以後遂於三十日由  
六百里加緊馳報全行肅清  
統計七旬之內大小數十捷  
而全功告藏雖疾風掃籜何  
以喻此  
神速哉

楓宸歲績旋披鶴奏新青嶂洗來天  
上雨紅旗飛到日邊春路車何止歌



三捷階羽分明應七旬偃伯靈臺清

海寓

九重喜氣運臣鄰

凱唱騰歡

大功既藏公籌定善後一切事宜所有徵調各兵酌留彈壓外餘俱分起凱撤飭令帶兵各負沿途管束俾安靜

行走所過地方居民等亦已陸續歸業按堵如常白叟黃童歡欣載道公復分咨湖廣制軍河南撫軍將楚豫兩省防禦官兵全數裁撤見藻景象遐邇胥同蓋咸感杖杜勞旋之意云

柳雪深情賦采薇一時凱撤還鄰畿  
花明洛浦消烽久月落湘江飲馬歸



隴畔有農耕  
箭鏃燈前無  
女繡弓衣  
巖疆善後勞  
方略振旅何  
曾敢息機

鳳詔酬庸

豐功	公敬	歷中	外久	典封	圻偉	烈
承	倚界	指麾	調度	動輒		
邀叙	嘉獎	疊次	蒙	尉世	恩	
賞給	騎都	尉世	恩			

黃辦	玉吉祥	大荷	玉翎	管瑪	腦帶	板
蕃不	殊庸	至優	極紀	涯	胥	由
懋功	懋懋	德足	以			
永承	懋懋	典也				

甄叙頻仍

十賚四酬庸



恩禮極周遭雲螭玉宇祥花捧翠暎  
華冠吉羽高決拾四規隨寶帶荷囊  
雙轡繞宮袍還將世德歸都尉鼎胄  
縣縣守佩刀

龍墀展覲

公自復任陝甘以軍務方殷  
未及陞覲茲全師竣績

疆宇謐寧政務日就清暇  
聖心眷念勲勞特旨

諭令入都俾瞻覲  
聯歡堂陞正值春風扇路玉

節雍容委佩趨  
一德即日金甌收卜晉

秩綸扉更以上公分陝實西  
州僚吏士民所同深仰頌者  
爾

彤墀畫接展葵誠



仗外鑪煙瑞靄縈圭瓚一卣來虎拜  
球鐘九雅聽夔賡

龍綸慰諭戎行事麟閣標題福將名  
重返秦涼沛仁雨節花紅處篠旂迎

屬吏童槐謹呈

